

RAAR DEBWĀĀLE JISŌS & KALBWINE

Köttöpar ko an katak in:

- Kwaļok wāween im unin an Jisōs mej.
- Kwaļok bwe mej eo an Jisōs ear kajejjet naan ko ilo Kallimur Mokta.
- Kwaļok meļeļein naan eo an Jisōs ke Ear ba “eṃōj.”
- Kwaļok bwe mej eo an Jisōs wōt e maroñ lōmōoren armej jān nana ko aer.

Meļeļe ko reļap ilo katak in:

- Jen lo bwe Jisōs ear mej ion debwāāl meñe ejjeļok ruōn.
- Jen lo bwe unin an Jisōs mej ej kōn nana ko ad.
- Jen lo bwe e bwe mej an Jisōs ñan lōmōoren kōj.
- Jen lo bwe Anij ear jokwane kōn mej eo an Jisōs.

Joñan an Parisi ro dike Jisōs raar kōñaan bwe en mej. Raar lamōj im ba, “Debwāāl E! Debwāāl E!” Etke Parisi ro im ri kabuñ ro raar dike Jisōs? Ej kōnke Jisōs ear kawaani jerbāl ko aer reṃṃan. Raar bane an Jisōs katakin armej bwe ren kōttaik er ñan E im wānōk eo An.

Ak kwō jeļā ta? Bar juon ear kōñaan ṃan Jisōs im debwāāl E. Wōn eo? Anij Jemān. Ta Ear dike Nejin ke? Ejab. Ear yokwe E jān joñan maroñ ba. Bōtab joñan An yokwe kwe im ña Ear karōk bwe Jisōs En mej.



Jerbal 4:27,28 Bwe e ṃool, Herod, im Pontiōs Pailat, im ri aelōñ ko, im armej in Israel raar kapata ilo jikin kweilok in ñae Jisōs Ri Karijerōṃ e kwōjarjar, Eo Kwaar kapit E, bwe ren kōṃanṃan men eo jabdewōt Peiṃ im Aṃ lōṃṃak raar pepe ṃokta bwe ren waļok.

Joñan ad nana, Anij ear aikuļ in bōk wāween kanniōk im mej ion juon debwāāl bwe En lōmōoren kōj.

1. Jisōs ear toto ion juon debwāāl.




Mark 15:20, 22 Im ke eṃōj aer kajjirere, rej utūk nuknuk ko e būrōrō jān E, im kanuknuk E kōn nuknuk ko An, im āñinļok E bwe ren debwāāl E. [22] Im rej āñinļok E ñan jikin Golgota, ukōtōn naan in, Jikin Łat in Bar.

Golgota ear ālikin jikin kweilok in Jerusalem.



Mark 15:23, 24 Im rej leļok ñan E wain e kāre kōn mōr bwe En idaak; a E jab bōk e. Im rej debwāāl E, im ajeļ nuknuk ko An ilo



juon kakōļle ioer, bwe ren jeļā ewi men ko aer.

Dān eo me raar leļok ñan Jisōs ear juon men in jipaņ bwe en dikļok metak. Bōtab Jisōs ear abwin bōk e.

Ke raar debwāale Jisōs, raar dilaiki Pein im Neen, innām raar kajutak debwāal eo im likūte ilo juon roņ. Unin an wor eñtaan ioon debwāal ej kōnke e pen an armej eo menono. Bwe en menono, ej aikuj jutak ak make kanōke lōñļok kōn pein, bōtab eļap an metak ñe ej kain in bwe dila ko re pād ie.


2. An Jisōs toto ioon debwāal ej katakin kōj kōn bar ļotak.

Kwōj kememej ke men eo Jisōs ear ba ñan Nikodimōs?



Jon 3:14, 15 Im āinwōt Moses ear lelōñļok jedpānit eo ilo āne jemaden, āindein naaj lelōñļok Nejin armej; bwe jabdewōt eo ej tōmak ilo E en mour indeeo.

Ilo iien eo ke jedpānit ko raar kije armej, Moses ear kōmman juon annaņin jedpānit im likūte ioon juon joor. Ke eņōj kije juon armej im ear kile bwe enaaj mej, eļañne ear tōmak Anij ear reiļok ñan annānin jedpānit eo, im Anij ear kemour e.



Ñe juon armej ej kile bwe enaaj mej kōnke e ri jerōwiwi, e maroņ reiļok ilo tōmak ñan Jisōs ioon debwāal. Eļañne e kōņaan oktak jān an nana, im ej tōmak bwe mej an Jisōs ej kōļļā kōn aolep nana ko an, Anij ej ļomōoren e.

3. An Jisōs toto ioon debwāal ej katakin kōj bwe je lia kōn nana ko ad.

Elōñ iaan ri Ju ro raar jab tōmak bwe Jisōs ear Messia eo, Ri Kapit eo, me eņōj kallimur kake ilo Kallimur Mōkta. Unin aer jab tōmak ej kōnke Dt. 21:23 ej ba bwe e lia jabdewōt armej eo ej toto ioon juon wōjke. Innām raar ļomnak bwe Ri Lomōor eo jān Anij e ban lia.



Gal 3:10 Bwe ro otemjej re jān jermal in kien rej pād iumwin juon lia; bwe eņōj je, “Naaj koļle jabdewōt eo e jab pād wōt ilo men ko otemjej jeje ilo bok in kien bwe en kōmanmani.”

Kōj, je lia kōnke jaar jab pokake aolep naan ko an Anij. Bōtab Kraist ear mej kōn kōj bwe En ļomōoren kōj jān lia eo an kien.



Gal. 3:13 Kraist ear pinmuur ñan kōj jān lia in kien, ke Ear erom lia kōn kōj; bwe eņōj jeje, “E lia jabdewōt eo ej toto ilo wōjke.”

Jisōs ear erom men in lia bwe jen jab iumwin lia in kien!

4. An Jisōs mej ioon debwāal ear kajejjet naan ko ilo Kallimur Mōkta.

Enañin 1,000 iiō moƙtaɓɓok, Devid ear je bwe armej renaaj wākare Jisōs. Im ilo tōr eo an Devid, kien ko re jañin debwāale armej.



Sam 22:16,17 Bwe kidu rorror raar pād iturū; jar an ri nana raar kōpool eō; rej wākare neō im peiū. I maroñ in bwini diō otemjej; rej lo eō im kallimjek eō.

Kab Devid ear ba bwe renaaj ajej nuknuk ko an Jisōs im gamble kōn kopā eo An.




Sam 22:18 Rej ajej nuknuk ko aō ñan doon, im raar kōjermal kein kaalikkar kōn aō kopā.

5. Ke Jisōs ear mej ioon debwāal Ear kajejjet waan joñak eo kōn Laam in Kijoone.



Jon 13:1 Kiiō moƙta jān kwōjkwōj in kijoone; kōn an Jisōs jeɓā bwe awa eo An e moottok bwe En ilok jān laɓ in ñan Jemān; Ear yokwe ro doon rej pād ilaɓ im Ej yokwe er ñan jemloken.



Ke ear epaak an Jisōs mej, ro nejin Israel raar kautiej juon Holiday eɓap ilo manit ko aer. Raar kautiej Kwōjkwōj in kijoone. Kwōjkwōj in ear kakememej Israel ke enjeɓ in mej ear kijoone moƙo imōn ro ri Israel ke Anij ear loƙooren er jān aer pād im ri kaƙakoko ilo Ijpt. Unin an enjeɓ eo kijoone moƙo imweir ej kōnke raar man juon lamb im likūt bōtōktōkin iturin kōjām ko. Lamb eo ear mej bwe ren jab mej, im Jisōs ej Lamb an Anij (Jon 1:29) Eo ear mej bwe jen jab mej.



1 Korint 5:7 Bwe eṃōj katok kōn men in kijoone eo ad, eo Kraist.

6. Raar likūt juon jeje, juon sign, ilōñin Jisōs.



Mark 15:25, 26 Im awa kein ka ruwatimjuon, im rej debwāal E. Im naan in kinaakɓok kake eṃōj jeje ilōñin, “KIÑ AN RI JU RO.”

Ekkā wōt, raar likūt juon jeje ilōñin armej eo me raar debwāal e ñan kwaɓok kōn nana ko an im unin aer debwāal e. Bōtab ejjelok an Jisōs nana. Pailat ear je, “Kiñ an ri Ju ro.” Ejjelok an Jisōs bōd, ak Ear mej kōn jerowiwi ko aṃ, jerowiwi ko aō, im jerowiwi ko an aolep armej. Re maroñ kar je im kōllaajrak jerowiwi ko ad ioon aɓaɓ eo. Enaaj kar men in kajookok eɓañne raar kōllaajrak aolep jerowiwi ko ad bwe armej ren loi, ak Jisōs ear inek ruōd ke Ear toto ioon debwāal.



Mark 15:27 Im rej debwāal ruo ri kowadoñ ña Ippān, juon i anmoonōn, im juon i anmiiñin.

Aiseia, ri kanaan eo, ear ba bwe Ri Loƙoore eo enaaj mej ippān jet ri nana.



Aiseia 53:12 Kōn men in, Inaaj je An kij ippān ro re ɓap, im Enaaj ajej men in rakim ippān ro re kajoor; kōnke Ear lutokɓok an ñan mej, im ar bwini E ippān ro ri bōd. A Ear

inekl̥ok jerow̥iwi an elōñ, im Ear kōmman men in medek kōn ro ri bōd.

7. Armej raar kajjirere kake Jisōs ke Ear toto ioon debwāāl eo.



Mark 15:29-32 Im ro rej el̥lā l̥ok rej kajjirere kake, im jeboulul bōraer im ba, “Kwe eo, Kwōj kōkkure tempel, im kalōk e iumwin jilu raan, [30] Kwōn l̥omōoren Eok, im to la! jān debwāāl ñe!” [31] Barāinwōt pris ro relap rej kajjirere im ba ñan doon kab skraib ro, “Ear l̥omōoren ro jet; E jab maroñ make l̥omōoren E. [32] Ri Kraist, Kiiñ in Israel, En to jān debwāāl eo, bwe jen lo im tōmak.” Im ro ar debwāāl er ña Ippān rej kajjirere kake.

Jisōs ear jelā bwe Enaaj jerkakpeje l̥okin 3 raan. Ke Ear kōnono kōn kōkkure tempel eo, Ear kōnono kōn ānbwinnen, ak armej ro raar l̥ōmṇak bwe Ear kōnono kōn mool in tempel eo.

8. Jisōs ear kōllā oṇean jerow̥iwi kōn An mej.

Melele eo elap ilo aolepen Bible ej men in: Jisōs ear mej bwe En l̥omōoren armej jān jerow̥iwi ko aer. Anij e kwōjarjar. E jab maroñ joṭok an armej bōd im bōk er elaññe ejjel̥ok ej kōllā oṇean jerow̥iwi ko aer. Ejjel̥ok an Jisōs jerow̥iwi. Ke Jisōs ear peptaj, Anij ear kōnono jān lañ im ba bwe E mōñōñō kake Nejin.

Ālikin Adam im Iv, aolep armej raar lotak ri jerow̥iwi. Kōn aer jerow̥iwi, rej aikuṇ in mej, im men in melelein mej ilo ānbwin kab jepel jān Anij ñan indeeo. Unin an Anij kar jiroñ armej bwe ren katok kōn sip im got ej bwe ren jelā bwe rej ri jerow̥iwi, im ekkar bwe ren mej. Menninmour eo ej bōk jikier mae iien ej itok Ri L̥omōor eo. Ke raar katok kōn juon sip ak goat, ear aikuṇ weppān im ejjel̥ok an nañinmej ak jorraān. Anij e weppān, im kōn men in, jabdewōt men in katok ak leṭok ñan E ej aikuṇ bar weppān. Kōj, je jab weppān, im ejjel̥ok men jej kōmmane e weppān. Bōtab, Jisōs e weppān, im kōn men in, emman mej eo An.



2 Korint 5:21 Eo ear jab jelā jerow̥iwi, Ear kōmman E jerow̥iwi kōn kōj, bwe jen erom wānōk an Anij ilo E.

9. Anij ear jokwane kōn mej eo an Jisōs.



Aiseia 53:10, 11 A Jeova e buñbūruon in kaeñtaan E; Ear kabūromōj E; ñe kwōnaaj kōmman An men in katok kōn jerow̥iwi, Enaaj lo ineen, Enaaj kaetokl̥ok raan ko An, im men in mōñōñō an Jeova enaaj jeraamman ilo pein. Enaaj lo tokjān eñtaan eo An, im naaj jokwane; kōn An jelā kake, Ri Karijera e wānōk enaaj kowānōk elōñ; im Enaaj inekl̥ok jerow̥iwi ko aer.

Etke Anij ear buñbūruon in kaeñtaan Jisōs? Kōnke Ear jelā bwe ej aikuṇ āindein bwe en wor kōllā kōn jerow̥iwi ko ad. Im eoon in ej ba bwe Anij ej lo tokjān eñtaan an Jisōs, im Ej jokwane. Anij ej ba, “e bwe.” Ejjel̥ok bar juon men ej aikuṇ in wal̥ok ñan kōllā oṇean jerow̥iwi ko ad. Anij e jokwane. An juon ri kaki jare kōj, ad kate kōj im jermal ñan Anij, ad mare... men kein re ban jipañ.



Mark 15:33, 34 Im ke ej itok joñoul im ruo awa, e marok ioon aolepen āne im ñan jilu awa. Im ke jilu awa, Jisōs ej lamōj im elap ainikien im ba, “Eloi, Eloi, lama sabaktani?” ukōtōn naan in, Aō Anij, Aō Anij, etke Kwaar il̥ok jān Eō?

Ear marok kōnke Anij ear ilok jān Nejin. Im etke Anij ear ilok jān E? Kōnke Nejin ear inek jerowiwu ko ad, im Anij e jab maroñ reilok ñan jerowiwu. Jisōs ear pokake aolep kien ko an Anij, im Ear kamōñōñōik E aolep iien. Ak kiiō, kōn an Jisōs bōk jerowiwu ko ad, Anij ear ilok jān E.

10. E tōprak aolep men bwe en jako jerowiwu ko ad.



Jon 19:30 Innām ke emōj an Jisōs bōk vinegar eo, E ba, “Emōj!” Im Ej jirlok im kōtlok An.

Etke Jisōs ear ba, “Emōj”? Kōnke emōj aolep jermal ko an Jisōs, im emōj kōllā oñean jerowiwu ko ad. Ejjelok likjab, im ejjelok bar juon men bwe en maroñ jako ruōn armej. Jisōs ear kōllā aolepen.

Elañne juon ej kōllā oñean juon waj im lewōj āinwōt juon gift, kwōj aikuj kōllā kōn waj eo ke? Jaab. Ej juon gift. Elañne kwōj kajjioñ in kōllā oñean, armej eo ear lewōje e maroñ illu bwe kwō jab tōmak bwe emōj an kōllā aolepen.

11. E potak roñel eo ilo tempel eo.



Mark 15:38 Im rōñel in tempel e potak im ruo mōttan, jān lōñ ñan laj.

Kar mokta, roñel eo (katiin eo) ear pinej ruum eo e kwōjarjar otem kwōjarjar. Ear kōjepel armej jān Anij. Ak kiiō, kōn an Jisōs mej, Ear kōllaaajak armej ñan Anij. Ejjelok ad aikuj pris kiiō. E jako an Anij illu ipped elañne emōj ad bar lotak. Je maroñ kajju ñan ippān Anij. Ejjelok ad aikuj katok kōn menninmour.



1 Jon 1:7b bōtōktōkin Jisōs Nejin, ej karreoik kōj jān jerowiwu otemjej.

12. Raar kalbwin Jisōs.



Mark 15:42-46 Im kiiō ke e jota, bwe iien kōppojak, eñin raan imaan Jabōt, [43] Josep ri Arimatia, e ri pepe im emman, im ej kattar aelōñ in Anij, ej itok, im e peran in delōñ ñan ippān Pailat, im kajjitōk kōn ubōn Jisōs. [44] Im Pailat e bwilōñ elañne E mej wōt; im ej āñiñintok senturiōn eo, im kajjitōk ippān ewi toun An mej. [45] Im ke e jelā jān senturiōn, ej lelōk ubōn ñan Josep. [46] Im ej wiaik nuknuk linen, im doorlal, im kūtimi kōn nuknuk, linen eo, im kababu e ilo lōb eo, ar jekjek e ilo dekā. Im ej kaddāpilpil ejmaan ña ilo aor in lōb eo.

Jisōs ear kallib āinwōt An kar ba. E tōprak kōllā eo. Emōj potak rōñel eo. Men eo wōt kiiō ej bwe armej ren errā ippān Anij. Ren errā bwe er ri jerowiwu, im ejjelok aer maroñ in make lomooren er. Ren errā ippān Anij bwe ekkar bwe ren mej, ak bwe mej an Jisōs wōt ej medek Anij im kōllā oñean aolep jerowiwu ko aer.

Kajjitōk ko:

1. Raar debwāale Jisōs ia?

2. Etke Jisōs ear mej ioon debwāāl?
3. Ta eo Devid ear ba renaaj kōmmane ñan pein im neen Ri Lomōor eo?
4. Ta meļeļein ke ear potak rōñel eo ilo tempel eo?
5. Ta meļeļein ke Jisōs ear ba, “Eṃōj”?
6. Eļañne ejjeļok an Jisōs jerowiwī, etke Ear mej ioon debwāāl eo?
7. Ewi wāween ad jeļā bwe Anij e jokwane kōn mej eo an Jisōs?